

治痢捷要新書

目錄

治痢宜伸陽氣之權論

治痢要訣

痢疾初起治例

熱症治例

寒症治例

腸痛

大孔腫痛
大孔

裏急後重

積垢

噤口痢

冷痢

蟯虫痢

似痢非痢

治痢宜辨寒熱虛實論

虛實寒熱辨

實症治例

虛症治例

腹痛

肛門痛

脫肛

呃逆

痢疾五色

休息痢

血痢

痢疾吐衄

瘡痢兼症



南京中醫藥大學圖書館版權所有

婦人胎前產後痢
 疫痢應下失下壞病
 喻嘉言治痢醫律三條
 表裏和解類方共四十六道
 補養祛寒類方共三十八道
 瀉火理血類方共十二道
 彙選奇驗單方共二十四道

煙後痢
 各種壞症
 痢疾彙方
 消導攻裏類方共十八道
 暑熱風溼類方共十七道
 收澇固脫雜治補遺類方共十九道



治痢捷要新書

治痢宜伸陽氣之權論

金臺丁國瑞子良甫編輯

經曰陽氣者若天與日失其所則夭折而不張又曰陽氣衰不能滲營其經絡故經言飲食入胃游溢精氣上輸於脾脾氣散精上歸於肺通調水道下輸膀胱水精四布五經並行陰陽揆度以為常也曰游溢曰上輸曰散精曰上歸曰通調曰下輸曰四布曰並行皆陽氣之用也可知陽氣者內則運化飲食外則分溫四體揆度如常百病不生者也痢疾者陽氣抑鬱於脾胃之間而為病者也然當陽氣得位之時伏而不發至於陽氣欲降之時而其患漸萌因是而水道不通因是而腹痛食減因是而下痢赤白因是而裏急後重矣故治痢而有宜表藥者外感風寒陽氣不得舒越必發之散之使風寒去而陽氣始得舒越也有宜攻藥者內傷積滯陽氣不得宣通必刮之逐之使積滯去而陽氣始得宣通也有宜溫補者臟腑虛寒陰邪凝結陽氣無權不能舒越宣通必溫之熱之升之補之所以助其舒越宣通之用也自古言痢諸家從未有專論陽氣者然觀大苦大寒

之味尚必佐以辛熱今人治痢一見後重輒行攻剋一見下血惟事清涼詎知攻剋過度陽氣受傷因之下陷而後重益甚清涼過度陽氣虛冷血不歸經而下血愈多甚至絕穀不食通身逆冷以死者皆陽氣漸滅之明驗也故凡治痢投藥之後脉有疏暢條達之意者即便知為可愈之兆也何也蓋邪鬱開而陽氣通行故也

治痢宜辨寒熱虛實論

李士才曰痢之為症多本脾腎脾司倉廩土為萬物之母腎主蟄藏水為萬物之原二臟皆根本之地投治少差冤沈幽冥究其疵誤皆寒熱未明虛實不辨也晚近不足論即在前賢頗有偏僻如局方與復菴例行辛熱河澗與丹溪專用苦寒何其執而不圓相去天壤耶夫痢起於夏秋溼蒸熱鬱本乎天也因熱求涼過吞生冷由於人也氣壯而傷於天者鬱熱居多氣弱而傷於人者陰寒為甚溼土寄旺於四時或從火化則陽土有餘而溼熱為病經所謂燥皁是也或從於水則陰土不足而寒溼為病經所謂卑監是也言熱者遺寒言寒者廢熱豈非立言之過乎至於赤為熱白為寒亦非確論果爾則赤白相兼者豈真寒熱同病乎必以見證與色脉

辨之而後寒熱不淆也須知寒者多虛熱者多實更以虛實細詳之而寒熱愈明矣脹滿惡食急痛拒按者實也煩渴引飲喜冷畏熱者熱也脈強而實者實也脈數而滑者熱也外此則靡非虛寒矣而相似之際尤當審察如以口渴為實熱似矣不知凡瀉痢必亡津液液亡於下則津涸於上安得不渴更當以喜熱喜冷分虛實也以腹痛為實熱似矣不知痢出於臟腸胃必傷膿血剝膚安得不痛更當以痛之緩急按之可否臍之陰陽腹之脹與不脹脈之有力無力分虛實也以小便之黃赤短少為實熱似矣不知水從痢去澁必不長液以陰亡溺固色變更當以使之熱與不熱液之涸與不涸色之澤與不澤分虛實也以裏急後重為實熱似矣不知氣陷則倉廩不藏陰亡則門戶不閉更當以病之新久質之強弱脈之盛衰分虛實也

治痢要訣

凡治痢疾最當察虛實辨寒熱此瀉痢中最大關繫若四者不明則殺人甚易須知寒症近乎虛然寒中亦有實症熱症近乎實熱中亦有虛症能將虛實寒熱表裏陰陽八個字細心體察認得清清楚楚病雖千變萬化

亦難出此範圍在諸病皆然又不獨治痢而已也

痢之一證總由夏秋之交陽氣斂降之際或感風寒暑溼或觸時行疫氣或恣食腥冷或饑飽失宜以致裏氣壅滯表氣鬱遏而為痢矣傷於氣分則白傷於血分則赤赤白同見則氣血並傷其治法大要在宣通陽氣舒通滯氣消宿食清溼熱而已間有下元素虛或脾溼胃弱驟為寒邪所乘與傷寒少陰證直中寒邪相似者此係純虛無實純寒無熱之症即當以大溫大補之法治之總之寒熱虛實其色脉情形不難立辨最緊要處只在初得之一二日認定是寒是熱是虛是實立施汗下和溫消導升補之法病雖險惡亦不難立見奇功或過年邁氣虛患積滯實熱之症法應消導清裏者亦即照法清之導之勿疑慮勿畏蕙但其輕重緩急之間與年強力壯者畧有區別耳蓋積滯去則胃氣升邪氣除則正氣復飲食一進表裏自和若徂於氣虛年邁不可攻伐專進以補氣養血之藥殊不知愈補愈壅愈壅愈痢邪氣未除正氣消盡飲食不進而病勢日增補之不得瀉之不可雖有善者亦無如之何矣我故曰治痢疾與治瘟疫同只在初得之一二者全在胆力壯識見定認明寒熱虛實以施治之否則鮮有不

輕病轉重重病致死者承斯任者可不慎之於初哉
虛實寒熱辨

形氣厚實脾胃強健者多實形體單薄脾胃素弱者多虛腹痛拒按脹滿
堅硬者多實腹痛喜按痞悶短氣者多虛新痢多實久痢多虛初病裏急
後重者多實久病裏急後重者多虛肛門旁痛得便稍減者多實下墜脫
肛便後痛甚者多虛痢色濃厚氣味極臭者多實痢色清淡頻下污衣者
多虛舌胎黃厚乾刺者多實舌胎滑白或無者多虛脉息滑數鼓指或堅
大緊實浮沈皆有力者多實脉息弦細濡瀋按之無力者多虛大寒大熱
頭痛骨酸面赤無汗者此又表邪之實無熱惡寒自汗踰臥者此又表裏
皆虛脉息滑數鼓指外見目赤舌刺頭疼壯熱煩躁譫妄者此又時疫之
實脉息細微無力面色刮白氣倦神呆自汗不食者莫非正氣之虛喜冷
畏熱者多熱喜熱畏冷者多寒口渴思涼者多熱口不渴或渴不思涼者
多寒小便赤短熱澀而痛者多熱小便清白不熱不澀者多寒舌胎芒刺
唇口焦裂者多熱舌上滑胎唇口刮白者多寒下痢膿血或純血色鮮紅
者多熱下不純血血不純紅者多寒痢色濃厚腥臭肛門火燎者多熱痢

色淺淡或如膠凍魚腦鼻涕或大孔洞瀉者多寒脉息滑實有力或滑而疾數者多熱脉息弦緊或遲細無力者多寒神煩躁急者多熱神煩不躁急者多寒身輕氣高壯熱者多熱身重氣短四肢微厥者多寒

痢疾初起治例

痢疾初發實症居多但實中須分表實裏實表實者外感風寒暑溼及時行疫氣是也其症多見頭疼身痛憎寒壯熱鼻塞聲重胸膈痞悶等症裏實者內傷飲食積滯及溼熱食積留滯腸胃是也其症多見胸膈脹滿急食腹痛拒按飽噯呃逆裏急後重頻欲登圜及去而所下無多纔起則腹急後墜此皆溼食氣滯凝結之故也表實者宜發表裏實者宜疏裏痢疾初發表裏同病者居多故治法以發散表邪疏通裏滯為主今擬一湯名曰加減奇效藿香湯實為痢疾初起之通劑寒熱虛實隨證加減皆可施用對症則一服霍然而愈不對證亦不為害其有調理失宜愈而復發或因兜瀉太早積熱未清或因表邪壅閉纏綿不解者雖屬久痢亦可用此湯量為加減以和之

加減奇效藿香湯

此湯治暑熱溼食兼疫之痢又治形寒飲冷霍亂吐

瀉嘔噦惡心吞酸膈脹腹痛以及小兒嘔瀉痰食積熱等症

藿香梗二錢 雲苓二錢 厚朴錢半 黃連一錢 木香一錢 炒枳榔錢半

焦三仙四錢 葛根一錢 橘皮二錢 蒼朮二錢 枳壳錢半 宣木瓜錢半

炙甘草一錢 澤瀉錢半 薑棗煎一 頭痛項強脊痛周身骨節酸痛加

羌活錢半 若冒暑而成痢其證必自汗發熱面垢嘔渴腹痛小便不

利加 香茹錢半 白扁豆二錢 赤痢加 酒苓錢半 酒芍錢半 色如

黑漆者再加 歸尾錢半 赤芍一錢 桃仁錢半 酒軍二錢 以行之 肚門燥

白痢加 滑石錢半 如痢如鼻涕膠凍此屬冷痢加 肉荳蔻一錢

砂仁一錢 少腹硬痛後重裏急墜痛或腹中大痛按之稍減加 宜

桂六分 焦芍二錢 以和之 嘔吐加 半夏錢半 氣虛年邁加 參

實症治例

表裏兩實之症前已詳言之矣若內無滯食積滯純見上項表症者宜服

人參敗毒散 五積散 十神湯之類 若外無上項表症純見胸滿腹

脹飽噯惡食裏急後重等症應溫下者宜服 香砂平胃飲 藿香正氣

湯 六和定中湯之類以和解之 應清下者宜服 香連化滯湯

枳實導滯湯之類以滌蕩之
證偏於寒宜溫下偏於熱宜清下寒熱辨詳見前

熱症治例

有驟受暑熱之毒致成熱痢大渴飲冷一晝夜數十行肛門如火燎面赤壯熱舌上生胎者此乃腸胃為熱毒所攻傾刻腐爛宜遵內經通因通用之法重而急者宜服 大黃湯 大小承氣調胃承氣等湯 或大黃黃連瀉心湯之類 輕而緩者宜服 黃連解毒湯 芩芍湯 戊己丸 六一散 五物香茹飲之類
若赤白熱痢日久不止或陰虛發熱膿血稠粘或下痢五色至夜發熱或氣虛挾熱膿血不止等症勢在攻之不可補之不可者宜服 千金黃連湯 連黃阿膠湯 歸連丸 駐車丸 白頭翁湯 芍藥湯 阿膠梅連丸之類虛而挾熱者皆宜此

虛症治例

虛痢須分為二曰陰虛曰陽虛陰虛者肝腎不足真陰素弱之人感受溼熱而成痢者其證多見下痢五色膿血或下鮮血滑瀉無度臍下急痛發熱顴赤午後夜間加重治宜瀉熱養陰固下滋腎切忌攻下尅伐以及辛

香燥辣之藥宜服

駐車丸黃連阿膠湯阿膠梅連丸之類

虛甚者宜

服六味地黃湯

知柏地黃湯金匱十味腎氣丸之類

久痢者多

見此證大病後瘧疾後亦有之宜與上條虛熱痢參看

陽虛者真陽不足或脾虛胃弱之人偶為寒邪所乘或傷飲食生冷寒溼

凝滯陽氣不伸其症多見懶言惡食腹痛裏急下痢清白小便白身懶嗜

卧短氣不足以息身冷自汗治宜溫中補中建中升陽切忌苦寒降下之

藥有積滯宿食者加以消導藥如大健脾湯之類積滯輕者宜服

香砂六君子湯之類純虛無積滯者宜服補中益氣湯四君子湯

保元湯小建中湯之類

寒症治例

暴得之寒痢與傷寒症中少陰陰邪相似蓋緣素秉陽衰寒邪直得而中

之其症多見腹中痞^音痛身冷自汗四肢厥逆周身痛而惡寒面青小便

白懶言嗜卧脉沉微遲細欲絕治宜大溫大補宜服附子理中湯四

逆湯桂枝湯真武湯建中補中之類若未病之前過食生冷粘

膩之物須於此數湯中稍加溫脾消導之藥此證應與上條陽虛證參

看陽氣素虛之人或年力強壯貪涼過度或冒雨或露宿者多有此證
若初得之時不過內傷生冷外感風寒本不甚重之症未明發表疏裏通
陽和中之理浪用苦寒攻下尅伐之藥以致清陽下陷痢無止期者亦能
見上項陽虛之證治宜健脾升陽宜服補中益氣湯升陽除溼防風
湯人參胃風湯之類

如下元真火素微之人過服苦寒降下之劑以致元氣脫陷腎關不固大
腸滑瀉者治宜溫脾暖腎固脫宜服桂附地黄丸真人養臟湯固
腸丸之類患痢日久投藥不當者或瘥後或病後或病間犯房勞者多
有此症以上所列寒熱虛實以及虛實中之寒熱寒熱中之虛實不過
畧舉大概俾閱者一目了然曉然於寒熱虛實之確情以施溫和攻補之
定法後雖變症百出莫不在此範圍之內尤其要者全在初起治法一條
閱者須加意留心莫把初起一關放過蓋痢疾初發之時正氣未傷邪氣
尚淺藥與病一投機則後此之法皆同虛設

腹痛

張景岳曰腹痛有寒有熱有虛有實凡生冷凝滯及外受感邪者皆能致

痛因食積者必多脹滿堅硬拒按因火者必內外多見熱症因寒者必內外多見寒症因虛者中氣不暖亦寒症也若瀉痢日久不止胃氣既傷膏血切膚安能不痛但察其不實不堅喜按喜熱饑不能食渴不能飲不見實熱等症悉屬虛寒

李士才曰脹痛因肺金之氣鬱在大腸之間宜桔梗開之白芍甘草陳皮木香當歸和之惡寒加炮薑莫莫惡熱加酒芩酒連仍當導滯燥溼行氣溫脾

證治準繩曰建中湯治痢不分新久赤白但腹中大痛者神效其脈或澀或浮大按之空虛或舉按無力者皆是也

張石頑曰下痢腹痛脈沈緊無熱症者先以桂薑溫之後理積滯此屬於寒者

膿血稠粘腹痛後重身熱不除脈洪疾者芩芍湯此屬於熱者

熊聖臣曰下痢腹中痛者以白芍甘草為主熱加芩連寒加薑桂少腹痛

者加莫莫有積滯者加厚朴枳榔青陳查糗之屬胃虛挾滯者大健脾丸

氣不調者加木香香附青陳之屬血瘀者加桃仁元胡歸尾之屬久痢血

枯而痛者加芎歸養之辨症審治是在好學深思者



腸痛

李士才曰腸痛者必以白芍甘草為君當歸白朮為佐惡寒加薑桂惡熱加黃柏
愚按初痢腸痛者照腹痛法辨虛實以治之若久痢腸痛者或服利氣藥其痛愈甚者必係切近脂膏須和氣補血暖腸胃

肛門痛

喻嘉言曰肛門腫痛身熱脉洪大下痢稠粘者宜清之黃芩芍藥湯身冷自汗宜溫之理中湯

李士才曰痢疾肛門痛者熱留於下也宜槐花少加木香挾寒者理中湯
大孔腫痛 大孔開

張仲景曰大孔腫痛急溫之黃芪建中湯張碩石加木香當歸虛寒宜之戴元禮曰大孔因熱流於下而痛木香檳榔酒芩酒連少加薑炭實熱者宜之又曰滯下大便不禁致大孔開如空洞不閉者用蔥和花椒搗爛塞穀道中並服酸澆固腸之劑

脫肛

張仲景曰下痢便膿血者桃花湯主之丹溪註曰桃花湯主治下焦血虛



且寒故非乾薑之溫石脂之濡且重不能止血用粳米之甘引入腸胃
戴元禮曰脫肛一症最難為藥熱則肛門閉寒則肛門脫宜用磁石細末
每空心米湯飲下二錢外用鐵銹磨湯溫洗

熊立品曰痢下膿血有誤服補藥而致脫肛者宜服黃連阿膠丸有誤服
熱藥而致脫肛者宜地榆芍藥湯有誤服涼藥而致臟寒脫肛者宜四君
子湯加升麻木香或真人養臟湯或用五倍子枯礬煎湯溫浴其肛自止
內服補中益氣湯升提之有熱加黃連 愚按痢久脫肛內服升提之藥
外用朴硝白礬水溫洗拭淨再將舊鞋底烤熱噴醋托之自上

裏急後重

朱丹溪曰裏急後重及大便燥辣是名挾熱症口不渴身不熱喜熱手雙
溫是名挾寒症力倦氣少惡食久痢裏急後重者是名挾虛症

李士才曰裏急而不得便者火也重則承氣湯輕則芍藥湯裏急頻見污
衣者虛也補中益氣湯去當歸加肉果邪迫而後重者至圍稍減未幾復
甚芍藥湯虛滑而後重者圍後不減以得解愈虛故也宜真人養臟湯下
後仍後重者宜用當歸甘草緩之升麻柴胡舉之又虛坐努責者此血



虛也宜歸身地黃芍藥陳皮之屬調之

徐東皋曰氣虛久痢裏急後重膿血交錯者專以補中益氣湯為主使升降之道行其痢不治而自消矣予法東垣凡有熱者加薑炒黃連有寒者加柴胡再加白芍木香瀉痢久不止者加粟壳訶子

熊聖臣曰痢初發時裏急後重頻欲登圜及去而所下無多纔起則腹中又急此皆溼熱凝滯之故也宜藿香正氣散加木香枳殼黃連砂仁

又曰裏急而至圜反不能即出者氣滯也疏通為主木香枳榔裏急而頻見汚衣者氣脫也補瀉為主真人養臟湯後重而至圜稍減者火迫也黃

連為主後重至圜而轉增者下陷也升麻為主

劉河澗曰治裏急後重芍藥湯在所必用蓋血行則便紅自愈氣調則後重自除 愚按調氣之法亦須熱者清之寒者溫之虛者補之實者瀉之

陷者舉之也故仲景曰熱痢下重者白頭翁湯主之此治熱痢之裏急後重也丹溪曰下痢赤白裏急後重者香連丸承氣湯主之此治實熱之裏急後重也張石頑曰久痢

後重用三奇散稍減用補中益氣湯此治虛寒之裏急後重也戴元禮曰後重積氣鬱

聚宜升之消之此治不虛不實不寒不熱之裏急後重也

呃逆

證治準繩曰呃逆乃胃氣虛寒之候宜橘皮乾姜湯主之有因患渴誤食冷物水菓者理中湯加丁香柿蒂主之寒熱往來者小柴胡湯加丁香主之血痢嘔噦口渴心煩不眠不小便者朱苓湯主之白痢嘔噦五苓散主之以中有肉桂可通逆氣也愚按胃氣逆則為呃逆闕浙稱為冷逆以冷為名遂指為胃寒不知寒熱皆令呃逆不以本症相參專執俗語為寒遂投丁香茱萸薑桂之類誤人不少吾願執辭害義者臨症猛省再按此症有因肝火逆上者宜用黃連木香有因膈間痰閉者宜用二陳代赭湯有真陰素虛腎氣不能歸根左尺脉微弱者宜六味地黃有因火真陽大虛火不歸元而呃逆者右尺脉必微細而弱宜桂附地黃有因火症誤用補藥熱藥而致呃逆者宜橘皮竹茹湯輕則加黃連如果胃寒丁香柿蒂湯宜之然不若理中湯四逆湯功效殊捷若用橘皮竹茹二湯審其寒熱虛實加減出入而消息之尤為妥當

再按呃在中焦穀氣不運其聲短小得食即發呃在下焦真氣不足其聲